

ՀԱՇՎԵՏՎՈՒԹՅՈՒՆ

2019 թ.-ի մայիսի 6-ից 10-ը Նյու Յորք (ԱՄՆ)

Բնապահպանության նախարարության անտառային կոմիտեի նախագահի
պաշտոնակատար Սամվել Սահակյանի
գործուղման վերաբերյալ

1. ԳՈՐԾՈՒՂՎԱԾ ԱՆՁԸ

Սամվել Սահակյան

2. ԶԲԱՂԵՑՐԱԾ ՊԱՇՏՈՆԸ

Բնապահպանության նախարարության անտառային կոմիտեի նախագահի
պաշտոնակատար

3. ԳՈՐԾՈՒՂՄԱՆ ՎԱՅՐԸ ԵՎ ԺԱՄԿԵՏՆԵՐԸ

Նյու Յորք (ԱՄՆ), 2019թ մայիսի 6-ից 10-ը

4. ՀՐԱՎԻՐՈՂ ԿՈՂՄԸ

ՄԱԿ-ի քարտուղարություն

5. ԳՈՐԾՈՒՂՄԱՆ ՆՊԱՏԱԿԸ

Մասնակցություն ՄԱԿ-ի անտառային հարցերով ֆորումի 14-րդ նստաշրջանին

6. ՔՆՆԱՐԿՎԱԾ ԹԵՄԱՆԵՐԸ, ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՍ
ՔՆՆԱՐԿՎԱԾ ՀԱՐՑԵՐԸ

- ֆորումում անցկացվեցին ՄԱԿ-ի տնտեսական և սոցիալական խորհրդի պաշտոնատար անձանց ընտրությունները,
- հաստատվեց ՄԱԿ-ի տնտեսական և սոցիալական խորհրդի օրակարգը,
- քննարկվեց ՄԱԿ-ի անտառների զարգացման 2017-2030թթ ռազմավարական ծրագրի կատարման ընթացքը,
- 2017-2030թթ ռազմավարական ծրագրին համապատասխան, ելնելով սեփական երկրում ստեղծված իրավիճակներից, անդամ-երկրների կողմից ներկայացվեցին կամավոր ազգային նվիրատվությունների վերաբերյալ հայտարարություններ,
- ամրագրվեց, որ ՄԱԿ-ի անտառների զարգացման 2017-2030թթ ռազմավարական ծրագիրը պետք է ծառայի որպես ուղեցույց անտառի հետ կապված բոլոր ծրագրերի համար, որ այն պետք է բարձրացնի փոխհամաձայնեցված գործառույթների մակարդակն ուղղված կլիմայի կարգավորմանը, անապատացման դեմ պայքարին և ջրային ռեսուրսների արդյունավետ օգտագործմանը,
- հատկապես կարևորվեցին անտառային ոլորտում վերահսկողության, գնահատման, հաշվետվությունների արժանահավատ կազմման և ներկայացման, մոնիտորինգի մեխանիզմների կատարելագործման հարցերը,

- ֆորումն առաջարկեց մասնակից երկրներին, կամավորության սկզբունքով, մինչև 2019թ-ի նոյեմբերի կեսը, հաստատված ձևաչափով, քարտուղարությանը ներկայացնել ազգային զեկույցներ, որոնք կքննարկվեն ֆորումի կողմից 2020թ-ին 15-րդ նստաշրջանի ընթացքում,
- քննարկվեց անտառների, հատկապես կայուն անտառօգտագործմանը վերաբերող, գլոբալ ցուցանիշների մշակման հարցը,
- ֆորումը հատուկ ուշադրության արժանացրեց անտառների գլոբալ քաղաքականության մեջ փոխադարձ համաձայնեցվածությանը և միջազգային մակարդակներում կայուն անտառօգտագործման միասնական ընկալմանը, ինչը կամրապնդվի նաև ՄԱԿ-ի իրավական փաստաթղթերով,
- ֆորումը կարևորեց բոլոր մակարդակներում անտառներին վերաբերող հարցերում համագործակցությունը, ակտիվացումը, գործողությունների կոորդինացումը (կլիմայի փոփոխության փարիզյան համաձայնագրի, կենսաբազմազանության կոնվենցիայի և այլնի շրջանակներում),
- ֆորումում շահագրգիռ քննարկման հարց դարձավ դեռևս 13-րդ նստաշրջանից օրակարգ մտած Չինաստանի կառավարության միջնորդությունը՝ Պեկինում ՄԱԿ-ի քարտուղարության բաժանմունք բացելու հարցը: Չինաստանի կառավարությունը պատրաստակամ է սեփական միջոցներով ամբողջությամբ հոգալ բաժանմունքի ծախսերը, մինչև ժամանակ աջակցել և օգնել զարգացող ու անցումային փուլում գտնվող երկրներին անտառտնտեսական աշխատանքներ կատարելու գործում,
- ֆորումում քննարկվեց նաև տնտեսական և սոցիալական հարցերի վարչության բարեփոխումների վերաբերյալ տեղեկատվությունը,
- ֆորումը մայիսի 10-ին ավարտեց 14-րդ նստաշրջանի աշխատանքները: Համաձայն արարողակարգի սկսեց անտառային հարցերով ֆորումի 15-րդ նստաշրջանի առաջին նիստը:

Այցի շրջանակներում ս.թ. մայիսի 7-ին լիազումար նիստի ընդմիջմանը մասնակցել են «Անտառների վիճակը Կովկասում եւ Կենտրոնական Ասիայում» թեմատիկ նիստին, որը կազմակերպվել էր ՄԱԿ-ի պարենի և գյուղատնտեսության կազմակերպության (FAO) կողմից: Իմ կողմից ռուսերեն լեզվով ներկայացվել է պահանջվող ձևաչափով զեկույց Հայաստանի անտառների վիճակի վերաբերյալ (կցվում է):

Մայիսի 9-ին լիազումար նիստի ընդմիջմանը «Քաղաքականության համահունչության և համակարգման ամրապնդում SDGs (Կայուն զարգացման նպատակներ) և UNSFP համար» խորագրի ներքո Նյու Յորքում ՄԱԿ-ի ՀՀ մշտական ներկայացուցչի տեղակալ Սոֆյա Սիմոնյանը ներկայացրել է բնապահպանության նախարարության անտառային կոմիտեի կողմից տրամադրված տեղեկատվության հիման վրա ՀՀ անտառների վերաբերյալ պատրաստված նյութը, որից հետո ես պատասխանել եմ միջոցառման մասնակիցների ՀՀ անտառներին վերաբերող մասնագիտական հարցերին:

Մայիսի 10-ին լիազումար նիստի ժամանակ ելույթով ՀՀ զորակցությունն եմ հայտնել ՄԱԿ-ի անտառների գծով տնտեսական և սոցիալական խորհրդի կողմից որդեգրած քաղաքականությանը, ինչպես նաև նրա նոր նախաձեռնությանը՝ Չինաստանում անտառների մասով ՄԱԿ-ի քարտուղարության մասնաճյուղ բացելուն, ինչն ամբողջությամբ պետք է ֆինանսավորվի Չինաստանի կառավարության կողմից:

**7. ՁԵՌՔԵՐԿԱԾ ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ԺԱՄԿԵՏՆԵՐԸ,
ԱՌԱՋԱՐԿՈՒԹՅՈՒՆՆԵՐԸ**

- ընդունվեց ՄԱԿ-ի անտառային հարցերով 14-րդ ֆորումի նստաշրջանի զեկույցը,
- հաստատվեց ՄԱԿ-ի անտառային հարցերով ֆորումի 14-րդ նստաշրջանի որոշման նախագիծը՝ 15-րդ նստաշրջանը 2020թ. մայիսի 4-8-ը անցկացնելու մասին, ինչպես նաև այդ նիստի նախնական օրակարգը, որը պետք է ուղարկվի ՄԱԿ-ի տնտեսական և սոցիալական խորհուրդ:

Բնապահպանության նախարարության
անտառային կոմիտեի
նախագահի պաշտոնակատար



Սամվել Սահակյան

14.05.2019թ